



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Licentiæ se absentandi causa studii Formula XXI.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

Licentiæ absentandi causa
Studii.

FORMULA XXI.

SUMMARIUM.

1. Episcopus concedit licentiam ad Studia onus residentie habentibus exceptis Parochis.
2. Episcopus licentiare debet ad Studia docibiles.
3. Docibiles non præsumuntur, qui excedunt ætate 25. & ad summum 30. annorum.

4. Licentia ad Studia non datur regulariter, nisi pro locis, ubi viget Universitas, pro studio Theologia, & Canonum, nisi in Universitatibus privilegiatis.
5. Quod possit dari etiam pro Studio Grammaticæ tenent alii.
6. Licentia huiusmodi suffragatur pro solo quinquennio.
7. Conceditur ab Episcopo, non autem à Vicario.
8. Non tamen quando propter absentiam plurium Canonorum servitio Ecclesiæ præjudicium inferatur.
9. Non conceditur à Papa, nisi concurrat consensus Ordinarii.

Dilecto &c.

UT tu, qui in ætate annorum es constitutus, & docilis ingenii ad Studia aptus, idoneusque reperiris, in Universitate N. juris Canonici, & Sac. Theologiæ Studio sedulo incumbere valeas, à residentia uti Canonici catus per quinquennium tantum abesse possis, licentiam gratis concedimus. Datum, &c.

N. Episcopus N.

Loco ✠ Sigilli.

N. Cancellarius Episcopalis.

ADNOTATIONES.

1. ET DOCILIS INGENII.
Hæc licentia conceditur ab Episcopo vigore cap. final. de Magistr. & cap. Relatum de Cler. non resid. quæ jura, nulli adhuc correctæ reperiuntur; immò potius per Concil. Trid. roborata in cap. 1. sess. 5. de Refor. nisi quoad Rectores Ecclesiarum Parochialium, quibus non nisi per Papam, vel Sac. Congr. Concil. dispensatur, Ricc. in prax. part. 1. resol. 321. n. 1.

2. Hi autem causa Studij licentiandi sunt à residentia, qui sunt docibiles, & Studia jam inceperunt, non autem cæteri, quos natura non adjuvat, prout clare innuit Text. in dicto cap. final. ibi, ad Theologiæ professionis Studium aliqui docibiles destinantur: Et ideo Episcopus antequam petentibus licentiam concedat, ex-

quirere debet an ætate, natura, & ingenio licentiandus possit in litteris proficere ut docet Fagnan. in cap. Cum ad hoc nu. 10. de Cleric. non resid. Et quando dubitet de aptitudine, licentiam concedat limitatam ad annum, vel biennium, ut experiatur an proficiat.

3. Docibiles verò non præsumuntur hi, qui excedunt ætate vintiquinque annorum, ex doctrina Bartol. in l. 1. Cod. qui ætat. se excusant lib. 10. afferentis majores vintiquinque annorum esse inhabiles ad Studia, quod etiam comprobatur ex Ecclesiast. cap. 6. ibi -- sili à juventute excipe doctrinam, & ad summum triginta, ut à Sac. Congregat. decisum fuisse testatur Zerol. in prax. part. 1. verbum Studium dub. 1. §. Ad secundum, quem refert Pac: Jord. tom. 2. elucubrat. lib. 10. tit. 40. nu. 133. Barbof. supr. Conc. sess. 5. de refor. c. 1. post. n. 59.

4. JU-

4. JURIS CANONICI, ET SACR. THEOLOGICÆ. Regulariter talis licentia non datur, nisi pro locis, in quibus Generale Studium, sive Universitas viget, nec pro aliis scientiis, quàm Theologiæ, & Sac. Canonum, juxtà dispositionem Text. in cap. Licet de præb. & dignit. Nam constituti in Sacris prohibentur studere legibus, & physicæ, per Text. in cap. super specula, ubi Canonistæ communiter ne Cler. vel Monac. Nisi fortè Studiis hujusmodi incumbant in Universitatibus privilegiatis, prout sunt in Italia, Romana, & Patavina, & in Hispania, Salmaticen. in quibus Scholares Clerici possunt etiam aliis honestis, & licitis facultatibus operam dare absque incurfu pœnarum, Garz. de Benefic. part. 3. cap. 2. n. 194. Pac. Jord. dicto tom. 2. lib. 10. tit. 40. à num. 133. ad 141. ubi alia requisita, & conditiones enumerat.

5. At quod hæc licentia possit dari etiam pro Studio Grammaticæ, quæ est fundamentum omnium scientiarum, & quod favor Text. in dicto cap. Licet. de præb. & dignit. ad illam extendatur, tenet Ricc. in prax. par. 2. resol. 33. num. 1. ex Federic. de Sen. cons. 146.

6. PER QUINQUENNIVM. Licentia quamvis simpliciter esset concessa non suffragaretur ultra quinquennium à die quo quis studere cœpit, ut declaravit Sac. Congr. Concilii apud Garz. dicto c. 2. n. 101. Barbof. supra Concil. sess. 5. de Re-

form. cap. 1. num. 60. & in Sum. decis. Apostol. collect. 449. num. 25.

7. GRATIS CONCEDIMVS. Licentia abscedendi à residentia gratis est concedenda, ex traditis à Fagnan. in cap. Relatum num. 21. de Cleric. non resid. & ab Episcopo, non autem à Vicario Generali, qui talem facultatem non habet, nisi Episcopus longè absit, vel licentiam à Vicario concessam ratam habeat, ut ostendit Abb. in consil. 88. num. 5. & 6. libr. 1. ubi ampliat in loco, ubi adest consuetudo.

8. Quando autem plures Canonici essent absentes, & numerus eorum esset exiguus, Episcopus animadvertere debet an servitium Ecclesiæ, & Divinus Cultus lædatur per concessionem hujus licentiæ, prout observandum esse monet Bonac. de his, quæ ad Divin. Offic. &c. disp. 2. quæst. 5. punct. 3. §. 9. n. 6. nam si exinde notabile damnum Cultui Divino per absentiam plurium Canonicorum inferretur, à concessione licentiæ esset abstinendum.

9. De Indulto autem quod solet expediri per Datariam, agit Corrad. prax. disp. lib. 5. cap. 6. nu. 21. ubi Formulam tradit, & num. 32. vers. 8. & ultimo testatur, quod numquam, aut rarò gratia hæc concedatur, nisi concurrat licentia Ordinarii, prout disponit Constitutio Pii IV. quam ibidem refert, & quod pro executione eisdem Ordinario remittatur.